



Planisaziun d'areal Cul - approvaziun dal plan d'areal

Daspö il 2015 es üna cumischiun vi da l'elavuraziun da la planisaziun d'areal in Cul. Davo avair manà tras principi 2022 üna prüma publicaziun uffiziala d'intervenziun ha tanter ils 10 schner e'ls 9 favrer 2023 gnü lö üna seguonda publicaziun. Eir d'ürant la seguonda publicaziun sun entradas intervenziuns. Quistas han pudü gnir trattadas illa sezzüda da la cumischiun da planisaziun d'areal Cul dals 13-3-2023. La suprastanza cumünala ha approvà la planisaziun d'areal Cul e decis da suottametter tala a la Regenza dal Chantun Grischun. Cun üna decisiun as po spettar vers la fin dal 2023.

S-chodamaint central - dumondas d'attach

La suprastanza cumünala ha acceptà duos ulteriuras dumondas d'attach vi dal s-chodamaint central chalur.

S-chodamaint central - stopp per dumondas d'attach

Tras il proget d'ingrondimaint Runatsch/Palü sco eir las duos singulas dumondas d'attach vi dal s-chodamaint central chalur riva il sistem actual dal provedimaint a seis cunfins. Il gremi responsabel ha decis per ün stopp da dumondas d'attach implü vi dal s-chodamaint central chalur fin al mumaint ch'ün terz ardader es in funcziun ed il proget da la sanaziun Via Maistra realisà. Il proget da realisaziun d'ün terz ardader vegn tut per mans amo quist'on.

S-chodamaint central Runatsch/Palü - credit supplementar

Las chasadas chi vegnan colliadas nouv vi dal provedimaint da chalur sur il proget Runatsch/Palü survegnan üna staziun da regulaziun adattada per la surveglianza da distanza. La suprastanza cumünala ha approvà ün credit supplementar da 30'000 chf per l'access da distanza e surveglianza.

Iglüminaziun publica - piazza da sport Urtatsch - decisiun da credit e da proget

La suprastanza cumünala ha approvà ün credit supplementar da 26'000 chf pel rimplazzamaint da las glüms chi iglümneschan la piazza da sport in Urtatsch a Zernez. I's fa quint da rimplazzar novas glüms in LED chi iglümneschan plü restret la piazza da sport. Cun quistas novas glüms as po far quint cun ün respargn d'energia da ca. 4500 kwh per on e cun üna reducziun considerabla da las emissiuns da glüm.

Mia Engiadina - MENSA (Mia Engiadina Network SA) - approvaziun dal contrat d'attach

La suprastanza cumünala ha approvà il contrat tanter la MENSA e'l Cumün da Zernez cun seis EW Zernez chi düra fin ils 31-12-2027. La MENSA (Mia Engiadina Network SA) es la società chi organisescha la rait (groba) da fibr'optica plü o main davent da Landquart fin e cun illas centralas cumünalas i'ls singuls cumüns pertocs. Il contrat regla tanter oter cuosts, tecnica, gestiun e rechavs.

Coro viril Zernez - sustegn finanziel

A la dumonda da sustegn dal Coro viril Zernez ha la suprastanza cumünala acconsenti üna contribuziun per l'acquist da la nouva bindera.

Engadin Radmarathon

La suprastanza cumünala ha trattà in sia sezzüda sur da la cuorsa da velos Engadin Radmarathon a Zernez. Il gremi gnarà a decider sur dal futur da quist'occurrèza davu l'ediziun da quist on in resguardond l'interess dals curridurs e l'interess turistic.

Ingrondimaint dals tunnels da Viafier Retica Brail I e II - vendita dal material d'adöver

Il material chi vain guadogna tras l'ingrondimaint e schlargiamaint dals tunnels Brail I e II da la Viafier Retica es in possess dal cumün. La part dal material sainz'adöver vegn depuona e fabrichà aint sülla deponia. La part dal material d'adöver das-cha gnir vendüda. La vendita dal material es gnüda surdatta a la firma Sosa Gera SA, Zernez.

La suprastanza cumünala renda quattras attent, cha'ls 26 avuost 2023 invida la Viafier Retica ad üna «not dal plazzal da fabrica avert». Detagls per quist arrandschamaint seguan in lügl.

Plazza da sport, Lavin - rait da protecziun - surdatta da lavur

L'incumbenza per la montascha d'üna rait da protecziun cunter la canera pro la plazza da sport a Lavin es gnüda surdatta a la firma Gartenhag Hardegger GmbH, Malans.

Deponia Isla, Lavin - analisa geologica - surdatta da lavur

Per pudair serrar la deponia Isla a Lavin faja tenor l'uffizi chantunal da natüra ed ambiaint da bsögn d'ün'analisa geologica. L'incumbenza es gnüda surdatta a la firma ImperGeologie AG, Maiavilla.

Bügl Grand, Brail - refacziun mür - surdatta da lavur

Il mür da sustegn a Brail, Bügl Grand es in ün fich nosch stadi e sto gnir refat. Las lavurs per la refacziun sun gnüdas surdattas a la ditta Foffa Conrad SA, Zernez.

Viafier Retica - binari da s-chamgia in Muglinè - prolungaziun temporara permiss da gestiun

Il permiss provisoric, limità da la Viafier Retica per gestir il binari da s-chamgia in Muglinè es gnü prolungà per duos on, fin la fin dal 2025.

Hotel Acla Filli, Zernez - permiss per gestiuns d'ustaria e d'allogi

Il cumün ha acconsenti a la firma AGBD GmbH respectiv a Satki Ziberi ün permiss da gestiun per manar a partir dals 1. mai 2023 l'Hotel Acla Filli a Zernez.

Il Cumün da Zernez ha acconsenti ils seguaints permiss da fabrica:

Parcella no. 0039, Dos Santos Gomes Oliva Joao Domingos, Zernez – reclama dasper la via

Parcella no. 0869, Ouvras Electricas Engiadina SA, Zernez – adattaziun repars da lavinias e boudas

Parcella no. 1245, Bagger Cello GmbH, Zernez – betoniera approvaziun proget fini

Parcella no. 1280, Furger Christian, Brail – suosta per laina d'arder

Rendaquint 2022 - 1. lectüra

Las instanzas cumünalas sun repassadas il rendaquint 2022. Il rendaquint es gnü approvà a favur da la revisiun da quint tras il büro Lischana fiduziari SA a Scuol ed a man da la cumischiun sindicatoria. I'l mais mai vain il rendaquint approvà e rinvià a man da la radunanza cumünala dal mais mai 2023.